

養

浩

齋

詩

稿

養浩齋詩稿卷四

貴池桂超萬丹盟

山居四首

三台天上星到我門前青衆峯互拱揖四面環爲城前  
宵對雪月邈邈開銀屏繞屏種梅花花氣迎新晴晴翠  
滴溪流春波化綠醽酌此酌五老願言賜瑤阜駐得吾  
親顏與君同壽考

三台五老  
俱山名

東行至仙掌人傳羅隱跡此老那成仙心貞如石國  
璽入朱梁宰相奉玉冊金榜不知名請兵向吳越惜哉  
勁弩射潮不射賊梅冶獨行吟空脊奮未得神仙苟

可化應屬忠義魄

吾廬結平曠四圍皆稻田  
習見農家流胼胝殊可憐  
蟬聲鼓炎氣熏風息南天  
持鋤當午耘足底熱湯煎  
赫曦裂其背奔汗如流泉  
夢醒桔槔鳴五更人未眠  
念我不耕食勞逸何相懸  
讀書志康濟非爲逸樂緣  
數墨忘所事對食能下咽

昔我辭茲山襍被事遠遊  
振衣泰山頂濯纓黃河頭  
功名雖未立亦足開心眸  
男兒志四海何爲懷故邱  
嗟哉人生樂豈必在封侯  
鱗鱗雙柏樹雲際枝柯  
樛枝上提壺鳴呼童典敝裘  
沽酒飲父老眞率吾同儔

百牙山樓懷名宦趙香沙翁先生

湖波倒樓影衆綠上紗窗雲氣晴歸樹春光夜渡江滿  
城憐鵲面聚族半魚艘我願趙公作重來惠此邦

清溪二生祠

宋亾有二生題詩痛哭投溪而死其詩曰生爲  
趙氏人死爲趙氏鬼何以洗此冤清溪一泓水  
溪在池州城北五里

何曾冤洗此溪隈宋室天沈不可回風卷江波日南向  
忠魂猶化海潮來

謁余忠宣公

闕

墓卽登大觀亭

萬里濤聲動地來，孤臣碧血滿江隈。  
全家馬鬣秋雲護，終古龍山夜雨哀。  
天塹城池堪扼險，大邦屏障總需才。

請看礮石千尋立，猶戰潯陽九派回。

公以孤城與陳友諒轉戰六年

聞顧耕石

元熙

侍講同年以粵東學使告病詩以

託之

君文皎如秋月懸，太清玉壺冰鏡磨。  
晶瑩峨嵋山腰古，雪照太華峯頂蓮。  
花生我疑君身三洗黃眉髓，然後塵  
滓蟬蛻金丹成。願君養生之訣亦如此，  
以此游神合氣參。時彭君不見穀朽者  
蠹，木空者傾。冰決無完堤，寇入無堅  
城。暴風不能撼山岳，重猛火不能銷黃  
金之精。

讀家牒誌感

國無人語燈光紅明月飛上樓邊峯手持古牒未開讀

寒茫颯颯生英風吾姓孤香世希有派衍江南流澤久

直忤梁相漢刺史諱襲避梁冀難始遠避安賊唐太守

諱智覽為梁州守知祿山將叛棄官南還尚書出鎮閭疆平諱仲武福建團練使至尚書

舍人扼險巢黨走諱盛扼在宋都統伯夷儕諱輔南唐都統宋時

不仕節在明員外左儒耦諱林洪武末洎我楚府長史公

傳王格諱早全王宗諱公勸救之不睦繼世六策陳福藩晚

節堅臥梅花邨諱天斗以忠孝節義貞石勒簡編一一

映顏色愈看窗外靈旂揚香風吹動朱衣裳高冠峨峨

身軒昂檐雪照見鬚眉蒼知是我祖登我堂我心倉黃  
跪致詞弗克負荷孤深慈青天無階瀛海濶誓欲報  
國嗟何時願指前路開迷離音容渺茫不知處仰天四  
望淚如注

重訪清溪二生祠

尋詩斷壁又停舟  
贖墨千年碧血浮  
石塔月明孤影直  
山邨樹暗古雲愁  
杜鵑有憾悲南渡  
溪水無情向北流  
滿眼乾坤非淨土  
肯畱名姓落荒邱

舟中早發

林杪下鐘聲  
天光接水明  
雲低片帆輕  
重霜冷敝裘輕  
舟

揖吾曾慣風濤夜不驚只愁親夢裏日逐大江行

燕子磯度歲時同家薌巖兄北上

不知歲已盡枕石臥天涯磯影忽飛動江風生晚霞起  
看深樹雪認作故園花且話聯牀樂征人莫憶家

平山堂

山堂競宴遊云是歐公作不憂歐公憂乃樂歐公樂

舟至淮河遇冰

夜久朔風勁飛濤清不鳴溪頭鷗夢冷波面馬蹄輕曉  
鏡寒人影鄰舟斷櫓聲敝裘我猶栗况有無衣氓

夢王柳邨徵君



又認紅橋路雙峯瀉影寒花連雪岸白天到海門寬近  
舍皆春水何人把釣竿瑤琴重入聽古調爲余彈

題劉正裳國博考矩同年匡廬瀑布圖

輭紅塵裏忽煙霞未到匡廬認轉差道是儂家門外景  
半巖丹溜浸蓮花

車中寄嚴芝雲

保泰

黃少霞兩同年并包墨園

林

姚桂林

鳳樓

兩孝康

天風驅我走滿耳奔雷鳴還疑在危舟四面波濤驚忽  
念山中客坐聽林泉清清心寫絃歌雜以時鳥聲爛醉  
掃雲眠焉知有浮名達人貴守分何爲圖遠征東風上

枯條春妍百卉爭孤梅性耐冷翻先桃李榮零落同腐  
草豈不虛吾生神駿雖屢蹶敢辭萬里程君自執高節  
母乃孤

聖明

紫荊篇贈嚴芝雲同年

并序

芝雲秉性孝友其弟抱痾半載醫不能治一夕  
夢老人授以神方云出自醫書某篇披閱果符  
服之立愈爲賦紫荊篇

紫荊樹枝相樛東枝悴西枝愁愁雲一片巾樹慘無色  
天風吹入花萼之高樓樓下姜肱煮藥處一夜十起窗

未曙兄肥欲分弟瘦如故何人賣藥壺中住將往尋之  
苦無路天門開雲車排眞宰訴天醫來蒼顏皓髮顧而  
笑手持金丹夢中告人知天上有金丹書在人間君未  
看仙翁一去金雞鳴披衣對月搜醫經經言合神語聞  
之泣二豎徑路絕兮雲通精誠寒兮天補吁嗟乎尺布  
之譌畱田歌兄嫂堂前蒺藜多聞君此風當如何

小園二首

看花趁未開看月趁未圓月圓信明潔只恐光易殘  
桃花逐春飛荷花先秋萎松柏早作花經霜已憔悴

哭桐城馬明府魯于

維璜同年

捧檄棧雲高期年撫字勞文章窺幹濟貧困歷風濤壯  
氣餘孤劒羈魂夢大刀鄧攸長抱痛誰爲薦溪毛

朔風

朔風號大漠漫天吹塵埃驅車上燕山不見黃金臺鬱  
鬱太古松屈曲蟠崔嵬垂般亦秉尺終老名山村上有  
紫泥巢牖戶向南開知是江南鳥中夜鳴聲哀爾翅能  
飛翔何不凌風回

戒僕夫

山凹仄徑似羊腸努力扶持爾御良出險要知途更險  
輕車多半覆康莊

安期生祠二首

長城戍卒老沙塵又築阿房快此身  
差喜仙家征不到乾坤猶有幾閒人

老儒阮盡化爲塵那有桃源可寄身  
載得童男浮海去徐生亦是避秦人

焦桐行

龍門孤桐干青冥千年川岳鍾神靈  
神降殊尤蹇其遇樵子斲之供鼎烹  
釜底如泣治際如騰爾心未灰紫煙  
縱橫寒芒一冲燭日月驟響四震鞭  
雷霆造化洪鑪陰陽炭百鍊不肯銷  
精英窮蹙之中本性見非爲屈抑鳴

不平古來才大知者少且任枯槁終吾生蔡中郎琴心  
清劍耳靜聽幡然驚謂勝美箭來柯亭自從俗耳娛琵琶  
箏咽嘶嘔啞爭雷鳴成連入海牙絃絕流水高山空復  
情雍門之楠萊夷靡一擲輒化飛塵輕幸脫酷熱重滋  
榮礪斲還須良工成請加朱絃置清廟一洗天下鄭衛  
聲

河隄眺望

南風捲怒濤乾坤浮瀕洞萬馬忽奔騰放逸勢難控控  
馭得其人亦可止狂縱嗟哉知人難試鯨九川壅安得  
潘劉才大廈倚隆棟金錢擲百萬莫當沙泥用民膏腴

抵巇其咨

帝心痛

自箴詩三首

扁舟浮大海暴風起崇朝爾心縱蓬飛百念都冰消脫  
險只須兒長夜恣遊遨猗嗟塵世中何地無風濤  
獨行憩空谷飛來霹靂聲爾性卽頑石一聽毛髮驚過  
此乃長夢大呼不一醒猗嗟天地間何時無雷霆

百骸効運動疾痛便掣肘束縛牀蓐間歌笑復何有一  
旦枕席安美疢自消受猗嗟歡樂期何物非醜酒

道遇董杏溪

正治

同年以捐獻行水車謠等篇見

示作此贈之

君詩大有風人風悲歌慷慨哀流鴻十年挾策長安道  
鼇山咫尺攀何從螭龍窮涸失勺水要施霖雨難爲功  
我亦憔悴風塵中聽雞茅店孤燈紅與君班荆歌一曲  
秋聲五月摧梧桐君歸且臥黃山峯我往九子探芙蓉  
聽鶯招鶴樂吾樂問天斫地俱無庸君不見入世後知  
霜中松焉能學爲桃李容

淮陰釣臺

釣魚莫釣寸餌與尺鱗須學任家公子垂大綸筌遺笱  
敝魚不得長年坐待東海津王孫落魄淮陰市市旁堅



臥亦如此不釣河中鯖但釣秦家千里鯨鯨吞六國天  
晦暝不釣河中魴但釣楚國長橋蛟蛟力拔山翻狂濤  
誰識纖鈎六鼇獲卽此陌上吹簫客一絲維繫漢鼎牢  
一竿把持漢幟赤相國知人何太遲不若漂母能先知  
手持千金報一飯臺上將星從此遠釣臺不及將臺高  
將臺何如釣臺穩君不見淮水入江流不還江風吹浪  
高于山

登蕭相樓

蕭相名復唐  
時爲池名宦

蕭公賢相國勝蹟重南邦石室雲生壁嵐光翠滴窗雙  
橋斜抱郭孤寺遠浮江嘆息忠言斥回頭戰鼓擬公以  
諫宦

官論虛  
紀見疎

客有自陝來者攜女媧山石相示賦此

我聞天高去人九萬二千里宗動以上爲蒼蒼縱有飛  
仙行絕跡安能手提千鈞巨石超三光又聞天上一星  
橫亘大於地焉用稊米彌太倉如何女媧之山餘片石  
至今雲霞五色成文章當年共工亂法紀森森天柱愁  
摧傷手握四維重整頓不周奠定扶乾綱時稱其功補  
造化野史訛傳生譸張咄嗟俗說多荒唐豈惟煉石爲  
渺茫或云黃帝飛昇騎龍去童男渡海紛乘航或云帝  
堯彎弓九日落射天之人爭披猖古來世界幾缺陷不

有人力誰扶將願君勉爲名山一柱石此心此石同堅剛

### 城東行

池陽小憇東城隅行行瞥見高門閭玳瑁牀頭錯錦繡  
珊瑚案上堆瑤琚忽聞四面聲喧呼美人環坐投擲捕  
耳璫星爛嵌寶石腰褙花團圓明珠中雜優童鬥妖冶  
酣歌達旦吹笙竽堂上香熏金鴨鑪九真龍麝侵羅襦  
門外腥風起何處庖有腐櫓填溝渠珍禽滿苑毛豐腴  
怪煞鵲面千人癯峭石玲瓏樓閣虛秋光蕩漾紅芙蓉  
園林如此好顏色誰云遍野青苗枯咄哉此邦少巨寇

民風儉樸，儕山樞眼底。豪華從來無，是公是侯誰家廬。  
旁有亭長來告余，非公非侯非宦居。陰雲蔽野魑魅走，  
嚇聲震地雷霆驅。手擎金匱出庫帑，腰佩銀鑰開倉儲。  
君不見西城虎助東城狐，璇房瓊室差相如。又不聞里  
巷有語傳通衢，不願作宦願作胥。

詠古四首

三軍編素陣，堂堂假此空。名漢幟張果爲楚，心宣義憤  
分符爭到九江王。  
牧人勸立項王危，不諫皖兵骨鯁誰漫門。漢家三老智  
也應羞煞外黃兒。

雍齒封侯續錄微功如紀信漢廷稀榮陽若使真王出  
未必鴻門再放歸

漢軍已得楚軍多蓋世英雄喚奈何怪底八千兵氣竭  
帳中夜聽美人歌

寄汪桐軒司馬二首

好風東雨來觸我懷抱春臨風遠眺望天邊有故人故  
人官南東其地枕海濱司馬匪閑曹撫綏兼緝巡憶我  
聚京華握手聯昏嫺冠家桃花潭春水深潸潸願決潭  
水波遍潤越海民

巡海乘樓船文治須武績古有賀拔勝臨敵如平昔又

有高崇文平昔如臨敵萬里波不揚洋氛喜靜息只恐  
宴安時戎兵飾虛籍大海雲茫茫保無餘孽匿方飲掘  
井泉療渴將不及乘暇練隸卒庶當勁旅擊

養浩齋詩稿卷五

貫池桂超萬丹盟

鼠涎滴

鴉煙焚鼠心薰鴉煙息鼠涎滴涎盡目眩俄墜樓狸奴  
多口斷其喉嗟爾島夷毒太苦鴆我人斯波及鼠猶有  
黠者梁上趨醒眼看醉聲嗟吁人乎人乎鼠不如

江魚肥

衆人皆癯肥者惟魚魚肥若何食人最多

江燕飛

燕燕朝出其音交交銜泥暮歸不見故巢故巢奚惜主

宅漂搖自託宇下得避毒鴟衆雛不驚主恩天高翱翔  
故墟悲風號咷往尋主人上下江潮

狐惑人

狐惑人美絕倫芙蓉面桃花唇善諧謔工笑嚙飲人血  
迷人魂魂消血乾人未醒彌留猶卧仙娥枕溫柔鄉風  
流盡肌入腸熱骨委地冷君不見燕齊陌上女如雲粉  
白黛綠皆其羣

牛夜哀

山蹊崢嶸山煙晦冥四無人聲但聞牛鳴牛鳴一何哀  
羣盜驅之來執火熱尾四蹄疾心知屠戮中道泣逐步



掉首呼主人來春播穀誰耕耘亂石如雨刀如雲主人  
抱頭不敢瞋

鬼晝見

鼓鏜鏜旗揚揚滿城舞蹈迎城隍城隍未出鬼先出繫  
以銀鐺負鐵鎖高冠岌岌聲震雲巨口牙牙欲吞日連  
年厲鬼侵窮民毒哉旱魃借瘟神本來面目爾猶存如  
何白晝明弄人

目蓮劇

馬人言牛鬼語文字支離過童叟園葵怒孟蘭開千人  
奔走供如來里長賺錢沿戶派家無晨炊須稱貸三百

年來流毒深魑魅乘虛現靈怪或云祁閭老儒始作俑  
勸善教孝世尊奉指鼻爲驢母爲狗公然孝子亦可醜  
茹齋便向天堂居釣弋至聖將何如

朝九華

一人呼百人喁聲聲念佛誦南無鎖在肘香在手三步  
一拜千里走朝見芙蓉九十九聲言懺悔爲阿母歸來  
濯足母熱湯濕薪遲發怒目張

彌勒佛

彌勒佛釋迦佛巨匪憑之煽邪術自撰佛經倡奇說誘  
人從之消萬劫愚民貪餌吞其鈎後劫未卜今生休佛

德清淨斂錢若何佛心慈悲受刃則那金目晶晶鬚眉  
動誣鑿佛法佛譴重爾不見渠魁粉身巢卵覆臨刑呼  
佛佛不救

河中石 有序

贛州會匪下石填河汪孟棠太守 云任誅之郡  
賴以安

贛河填流盜泉盜居河側驅石作賊石踞河底觸舟破  
一呼墜手得奇貨賢太守鞭石走研石骨碎石首石言  
會中客纍纍多于石太守奮怒迅如雷隻手誓挽狂瀾  
回階石投鐵砥石厲劒嘉石髮豎肺石血濺石兄石友

盡誅讎河濤澄河水晏頽石點頭頽民草面

匣中虎有序

辛卯聞邗上有巨盜六匣虎市上觀者如堵後  
有客攜僕擔金旅次盜偵之匿二盜匣中初昏  
投宿與客同室夜半刺殺之以匣盛屍以虎舐  
血匣中盜易客裝以出適擔磁者宿旁室夜聞  
楚痛半聲卽止異焉同榻瞽者耳語曰盜殺人  
矣吾起碎子磁子作爭鬪狀乘間告主人請兵  
至盜可立獲從之厥明捕之

山上虎匣中貯巨盜六人時起處日中觀者出錢五夜

半殺人爲虎脯有客多金一僕隨暮投茅店盜尾追二  
盜匿匣四盜入與客同室杯酒陪殘月黑人語絕玉匣  
洞開金刀電掣挈侶易裝放虎飲血老拳雙下寒鏑熱  
黑甜鄉裏歸路長哀楚半聲慘雲裂旁有磁甕聞聲愁  
同楊瞽者窺奸謀撞碎雪盃故喧鬧授計主人請兵到  
晨鴉諠諠促行色擔匣出門仍六客伏甲突出弓刀鳴  
虎穴窮搜虎子得嗟爾張牙露爪假虎威天網恢恢何  
處飛

喚姑惡

刈稻不待熟不如宅荒草生女爲養婦不如棄周道當

三言希 卷五  
階股顫蘆衣單寘爾冰上寒不寒狗偷餘齧鼠竊羹烙  
以金筋逼婦承一承應罰三日餓逃之地下圖再生君  
不聞小鳥怒飛啄檐角朝朝暮暮喚姑惡

守關吏

守關吏大於官九夏禦暑圍冰盤三冬狐裘猶戒寒紅  
兒雪兒顏如玉買笑何惜珠一斛終夜沈醉爭呼盧日  
高三丈猶燒燭米船雲集停長淮關下無米饑鴻哀客  
請放關救其災吏罵僉父適從何來不知關例一月一  
開

搜鹽吏

朝搜鹽暮搜鹽惡吏如虎持朱鉞窮民提筐載升斗銀  
鑰一擲威炎炎前路蒲帆張估客中流橫截逞鴟嚇明  
知良賈懷挾無暗挈私囊入其船官刑爐熱私刑火烈  
贖爾罪苦生產驚絕羣匪巨艦蔽江來銀刀出匣離弓  
開惡吏鼠竄頭不同

### 捕役肥

鼠雀饑牛馬稀草木腓捕役肥妻飾珠翠妾羅綺朝狎  
歌童暮名妓大闔鄉宦結交多一飲千觴烹紫駝隣里  
家家塵滿甑怪爾困囊用不罄不耕不織誰供應烈餒  
無天弗敢問

君莫乘船

君莫乘船白浪掀天颶魃鼓掌鯨鯢垂涎路彎環煙彌  
漫跼蹐出沒日膾人肝去冬淮河凍兩月河冰如銀舟  
如鐵銀化水時鐵飛屑去夏江水比山高一望滄茫東  
海濤纜繫何處隨風飄人言石尤惡我道石尤好估客  
肯回頭平地風波少君不見孤雁眠江臯守更月下時  
驚號雙燕巢夏屋疾雨宵馳春睡熟

君莫乘車

君莫乘車車行可虞日暮人饑道無市廬僕瘁馬蹶不  
能前驅夜渡滹沱中流冰漸濕衣如鐵命繫一絲太行



崔嵬泰山碑石聲雷硤金輪挫折泥中掘井水中掘  
渦客來問津回入網羅飽我麤糲出爾坎坎坷固陰  
綠林尤多手無太阿奈暴客何

姊妹花

牝雞鳴雌風行姊妹花結滿城梨園新演紅樓夢歌童  
姣好秋波送木筆開殘又牡丹姚家魏家輪杯盤覓旌  
揚羽蓋張大官巡春千人望中道旌蓋撤回署僕言主  
母出門去

路茫茫

路茫茫逃飢荒三吳三楚波洋洋樂國何處遺壺漿我

欲東至魯黃河浪濶風沙揚薄言濟之無輕航我欲南  
遊尋富商終日醉洞房呼父呼母空倉黃我欲西遊川  
蠻瓊路險多虎狼饑軀只恐飽毒腸出門老弱紛成行  
積尸大半溝中僵不如遄歸邱首亡餒魄猶依先壠旁

燒佛香

燒佛香登佛堂星娥月姊排成行欲渡苦海須慈航還  
薦夜香樓禪房阿嬌夜半不知處僧言佛度天堂去象  
聲響應誦經聲巖果然活佛臨眉尖誰識妖僧爲活佛不  
在天堂在地窟

划龍船

刻龍船楚江邊撓金伐鼓聲喧天家家治遊爭飛艫麗  
人調笛居中央文綺裁就清風扇美珠懸爲明月璫雪  
腕齊揚拋錦標舟人奮奪龍怒跳兩岸玉立顏如薜新  
髻峨峨列鴉陣香羅拂袖翻梨雲殘脂唾水泛桃汛金  
釧脫手釵墜鬢人士肩摩互蹂躪解佩遺巾官不禁

### 化人城

臨安之人樂莫樂西湖歌舞縱杯杓臨安之鬼愁莫愁  
孤山上下聲啾啾家家理殯金鼓譟貴客執紼長官弔  
不卜牛眠土一杯千僧譏拜送入廟古廟停棺年復年  
囊中已乏買山錢新鬼紛來故鬼讓化人城裏應歸天

腥風扇起陰陽炭霹靂轟開棺萬段皮爛灰飛筋未斷  
臍燈一炬夜達旦白骨熬煎殘髓滴騰沸有聲薪上泣  
彼何人斯爾旁立六親稱賀孝子揖

江鴻集

謂林少穆中丞  
安集飢民也

前歲江圩開米一顆珠一枚汴舟泛淮合浦珠來

公自  
豫藩

南調時南飢北熟請  
帑糴麥載以南來

昨歲屏翳酷米十斛玉十穀蜀蠶

蔽江漫天雨玉

癸巳蘇大飢為  
招蜀米東下

珠玉樹和根移昔漢水

今江湄珠粒玉粒滿田種從此江鴻長不飢

購楚早稻  
種給民一

歲雨  
獲

夢水春

謂林少穆中丞  
興婁江水利也

翼江泥首齊隄婁江水今成溪昔愁霖良畝沈今有尾  
田澮浪深昔苦旱嘉禾曠今有巨澤水田滿洞開瀉雨  
洞閉屯雲河伯順軌潮神回輪鳩工代賑鵠面轉溫成  
功者天時賜三句誰實得天公真天人

### 蠶生牙

風生角雨生花蠶生翼蟲生牙蠶翼如箕焉能遠飛蟲  
牙如錐焉能久肥嗟爾營營飽膏血欲壑未填反掌滅

### 田無蛙

天無雲地無雷井無鮒田無蛙蛙聲非不囂雨部今寂  
寥中田如庖炙之怒跳力盡泣釜無生可逃何不挈族

八明月月借日光亦酷熱

守門犬

守門犬何狎狎梁肉坐飽高軒乘狂獬噬人虎牙露咆  
哮拒客狼聲宏客與主人如股肱舉足欲蹙鵠眼瞪狂  
告主人主人醉抱犬入懷擁衾睡

雞將鳴

雞將鳴翅先拍鷹欲擊眸先射飛檄未來驛馬知急雨  
未下蛛收絲君子遠慮人非之

猛虎行

猛虎或畏豺巨象恒畏麋神獅瞞百獸所憚小如狸尋

請萬人敵受制於其妻

羊腸險

羊腸險險可夷人心之險安能知君不見雪中餓人貂  
性慈赤體醉卧囷取之餓狼貪貪可止人心之貪何至  
此君不見仙人點金救貧士不願得金願得指

鳴竹雞

壁間鳴竹雞飛蟻化爲泥山中有狻猊羣獸不敢啼定  
遭仗孤劒威行鄴善西措置非其人百萬成菹鬱

養浩齋詩稿卷六

貴池桂起萬丹盟

出都 癸未

少小博虛譽九齡能屬文成童遊上庠登壇驚一軍開

口學李杜下筆追金陳輜軒星使來采之如奇珍

王開學介

堂師周大司寇連塘師王大司馬研農師祝學皆邀賞識既冠充賢良驅車渾河濱

渾河二月凍冰聲碎車輪握冰以爲鏡清我面上塵關

吏導入館酌酒迎嘉賓

國家重禮士所求忠孝臣羞爲肉食徒瑣瑣營一身祇

恐瓊樓寒負曝厭其溫孤鵬七垂翅無路躋青雲坡公



惜方叔舉白浮歐君鳳味親掄才焦桐音弗聞

汪彞老師素貧

拙作每見遺輒爲婉借至壬午癸未兩掌文衡又以未見試卷爲憾丈夫志千古窮達安

足論蒼天亦何缺憂危勞杞人葵藿傾陽光物性各有真君看向南雁回翔戀薊門

### 江陰幕中秋夜對酒

使星南下東閣開蓮池招集俱名才我因幽燕返南國  
澄江小住相追陪月明如水流天街水邊亭閣成瑤臺  
桂花滿地布茵席衆賓脫帽揮金罍我停犀箸悲思來  
茫茫海潮連江淮君山四面龍鼉上青疇一片餘蒼苔  
吾師分俸倡蠲賑寒谷稍稍春陽回

周石芳師捐金倡賑聞我皖

國尤殊災銀漢千里聲如雷魍魎晝嘯鬼夜哭蔽江白骨浮皚皚嗟哉子羽良璧河上碎飲飛長劍荆山埋何人斬蛟江水隈衆曰且飲君勿哀士行建節在江上謂

雲生

紛紛雁戶能安排與子同傾三百杯

### 雜詩四首

周來工鍛鍊千載憤未平寸管亦鈇鉞何不持其衡呂后王外戚丞相實逢迎其先舞陽在諸呂未掌兵松柏庇女蘿豈隨女蘿傾異哉老泉論右袒冤獄成不見鴻門宴眦裂忠肝見留宮誰力爭枕宦誰泣諫程蘇俱大賢黨立起異議指蘇卽安石晦翁亦何意况

彼悠悠口舌底千鎖利同心生芝蘭怒目長芒刺碩人  
以爲媚眇倡以爲媚小草有靈心指佞無顧忌人心那  
如草知人良不易

離婁察秋毫求珠明亦窮目力匪不用濁水使朦朧賈  
生賢墨翟韓子稱揚雄隱怪欺後世賢哲都牢籠安望  
塵俗眼醒迷歧路中醅乎江都儒尊經尼山崇偉哉子  
瞻論法言亦雕蟲

薜荔亦傲寒終非松柏倫人心有依附遂致失所親王  
祥不拜昭泥首卒稱臣荀爽屢卻聘晚至郿鵠門附勢  
非得已虐酷迫之起豈無申屠公脫身虎口裏

朝服

朝服曰盛靜戶外竹煙冷萬綠上虛窗搖蕩初日影

饒演章進士以其叔孝行徵詩贈之

君叔澆即古之愚君有疾臣代以軀弟有疾兄療以鬚  
兒體誰所授何爲望長吁青天變色白日瘦赤虹在手  
紫電驅金刀刺股割然響血雨四濺流衣裾嗟乎片石  
焉能荷天於西北長繩焉能繫日於桑榆淒風冬號隴  
寒夏濡豺虎夜嘯猿鳥晝呼人煙遠絕蓬廬孤墓旁枕  
塋三年餘淚痕化作墓草碧碧草枯盡淚亦枯君叔非  
癡古之愚古來忠臣烈士皆愚夫

奉題陶中丞雲汀先生湖漕河禱冰圖

文章驅虎虎夜走公之先賢霹靂手

公先大夫黃江文先生有驅虎文

章禱冰冰朝開公所到處陽春來淮河千里促漕舫朔  
風夜半雪花放滿湖突見銀山堆千篙莫使鐵舟盪公  
衣繡衣方來巡倉黃拜告露筋神神女冰心與冰骨合  
司冰令通吾津靈旗忽降滕六退船行細碾玻璃碎水  
面如聞逐石鞭空中時振飛霞珮風帆十日出江干回  
頭一片水晶寒督臣八告頌神德

帝嘉公績錫神額百靈趨走懷柔功一辦心香能感格  
君不見皖公山下掀狂濤流鴻招集公心勞祈麥麥熟

風雨調亦如日出寒冰消

將之潁上

時選廣文

潁水流湯湯人士多武健抱鐸行適茲何以償夙願聞  
彼北方風質直無詭變欲馴剛覲性益之以書卷書籍  
紛如雲精粹在經傳此中有洪鑪氣質歸鎔鍊醫家元  
氣虛獲苓功乃見璞玉逢良工一琢文采絢文勝易淨  
誇保無失真面醞釀使其醇庶幾鄒魯彥

夢族叔祖毓台廣文

玉棟

夢上鱸堂又聽經十年憐我尙飄萍魂來潛水春如海  
公司訓笑對梅花月在瓶傳學伏生雙鬢白下帷董子

潛山

一燈青分明風雪圍爐夜焚到重裘讀未停

公嘗擁爐夜讀裘為

半幅把卷自如  
時年已八十矣

梅村五老峯

一名五  
爪山

我聞遊河五老飛爲星何年墮地化作奇峯青又疑麻  
姑委蛻入雲裏屹然五爪排蒼冥茫茫溪水向西注好  
山橫截不能去山樹倒影影半欹波光一碧鋪琉璃南  
有拱列之三台北有筆架之崔嵬絕頂一嘯煙光滅九  
朵芙蓉應手折月明何處聞雲璈仙人騎鶴來九臯霧  
縠作衣霞作佩天風動搖天香飄我亦乘風吹紫簫期  
爾鶴背來相招

哭周石芳夫子

廿載躋春風誰憐抱璞窮日華搖五色老眼一楊公已

報罷公袖遺寒月忽騎鶴淒音送斷鴻前月奉幾行池到手

上淚流向大江東公終於江陰使署

山中有感

鳥翼覆寒喙洞棲全其真東風喚之起一鳴天地春萬

籟及時鼓況乃善鳴人吾家擅風雅唱和常盈門伯兄

既詩傑季弟亦能軍族有忘年叟披衣時相親謂蟾林叔蔚岩

兄細音鐵笛弄大音金鐘陳極力掃淫哇一歸至性醅

惜哉時命窮此調多酸辛飢鴻況分飛班馬悲離羣悲



歌動林谷忽念我先民朝出事農圃暮歸課兒孫但有  
詩書樂安知軒冕尊人生期自得何爲作勞薪吾亦息  
吾影坐嘯南山雲

吾先世隱居力學

觀閩忠懿王

王審知

德政碑

藩鎮爭雄到晚唐三龍飛起據閩疆

王與兄潮審  
睦稱三龍

盟壇

劔躍軍心伏

初軍中拜劔約劔動  
者爲王獨王劔躍地

海港波平鬼斧忙

海上

黃崎波濤爲阻王禱  
於神風雷擊開爲港

利宇鑄金空佞佛勅書勒石早臣

梁萬方湯火東南靖果是開門節度強

王言開門作天  
子不如開門作

節度使

五日清溪懷古

溪在池州  
城北五里

我聞屈平被讒葬江水女嬰碓石哀如何又聞曹娥十  
四殉父難怒髮叱退生蛟鼉一忠一孝並日死千秋幽  
憾難銷磨王入虎口父魚腹楚水漸水淚孰多風吹杜  
宇聲聲血并作碧濤號江沱入江抱得父骨埋山坡差  
勝招魂宋玉空悲歌嗟哉我欲紉衣采芰荷白蘋江畔  
迷煙波我瞻會稽雲嵯峨幼婦碑上無殘蚪君不見鐵  
官有女猶曹娥雙鳧躍冶空中摩吳鐵官以鐵不銹嘗  
死女躍爐骨化履淨  
爐面今江畔又不見二生忠骨冤填河一派清溪如汨  
羅

曲江亭爲王柳村作

仙入下翠屏鐵笛吹江亭衆山寂如睡  
豁然爲之醒萬柳搖春光并入江煙青  
樂意東風知好鳥枝頭鳴吾家江水南  
山勢如方城雪月嘯林谷路繞梅花行  
梅柳異地植同時釀精英與子保歲寒  
勿徒競春榮

道過大吏過境旋至殷村見殷將軍墓有感而作

殷文圭揚吳時爲左千牛衛將軍

旌旗滿眼忽荒邱回驛前呵尚未休  
漫詔高車驅五馬但看廢冢有千牛  
幾碑夜雨苔痕亂枯樹秋風鶴唳愁  
獨憶嶧柯登眺日西臺痛絕淚滂流

劉伯宗先生有殷將軍墓歌

同陳紫階明經之客卿一廣文  
說遊陵陽山仙壇

漢寶子明  
煉丹處

陵陽仙人騎鶴去空壇紫氣作煙霧春來老樹生新枝  
猶是當年鶴棲處我友猿趨先登攀半空丹溜聲潺潺  
溪外桃花千樹笑笑我凡骨猶人間夜半峯頭簫管起  
萬騎來從黃海裏一人釣竿持珊瑚海波躍出雙鯉魚  
遙知魚腹藏丹書我能悟此騰清虛長跼願受君何如  
衆仙雲中齊拍手手執仙棗大如斗招我東去登蓬萊  
駕言從之忽回首信哉樂土惟丹邱忍棄  
君親汗漫遊辭謝衆仙歸且休一天碧月蒼煙收

蔣銓浦明經

注生

同年以古文詩集見示

屈指吳劉後吾鄉幾替人南湖一片月清影徹江濱章農

部承祚居南湖古文直接吳次尾劉峰桐雨先生時有甲山叟同扶大雅輪吳文

學世尚居甲山註周易楚辭老莊諸解行世君今彈古調誰為和陽春

送陸祁生廣文繼輅卓異入都

幾人鱸座升騰去絕大牛刀宰割遲昭諫盛名空飲墨

聖俞窮况故工詩川渠合志羣流匯時修安徽通志廣文纂山川余纂河

渠歌哭同心寸草知廣文貞珉錄為節母作也從此高車聲望赫願

言長似冷官時

東游韞齋廣文璘

昔我司顏鐸宅憂未奉檄管谷佳士多鬱鬱素懷積三

載忽逢君祁山啟鮑席鄭虔日高歌窮餓亦何惜俸錢  
且沽酒宴客永今夕未飲我心醉不在酒腸窄珠雨滴  
滄波一氣化澄碧秋蘭入桂叢暗香合無迹不遇牛醫  
兒誰使吝情滌

過大洪嶺

曉行煙冥冥山路千盤縷舉頭忽青霄不見煙痕裏但  
見海茫茫洪波搖樹杪疑是珊瑚枝浴日色天姣遠岸  
奇峯迎明滅似蓬島我欲掛晴帆往拾青瑤草廿載勞  
風塵餐飽枯顏好須臾下層巒依舊迷前道始悟虛明  
境超然在天表翹首黃山巔雲濤更浩淼

贈包墨園

林

姜春泉

其楨

兩君

東風扇萌芽巖壑宣衆妙逢君梅花林對語花亦笑苞  
羲去已遠圖書閑突與君能鑿渾沌靈心開萬竅溫犀  
一炬然百怪靡不照景純本僊才前知若神告豈有他  
智術窮理扼其要

題夏文朗齋廣文

鑒

琬圭圖

先生好古探奇書胸有茂先三十車每逢古物必考核  
證同辨異嚴錙銖壯遊挾策到燕國片玉市來動顏色  
稽之典瑞是琬圭試以今尺合古尺一十六孔鑿幽奧  
孔孔能開天地竅大興相國

朱文正

博物儒見此掀髯發

長笑入世安得無鋒鋟

周禮註疏圭圓而無鋒

溫厚載福柔勝剛

此圭結好爲禎祥得者人壽家蕃昌翠螺江畔鍾水蒼

四玉齊出聲琅琅白虹吐納生文章知將特達登明堂

四香詞皆博雅著書工文

先生相士如相玉名材長價黃山曲我今

抱璞龍門來卞和倒屣倦眼開嗚呼夏璣殷瑚世豈少

不逢直賞委蒿草

### 祁門東山觀漲

萬山勢搖動大地成危舟石走河聲碎濤翻屋影浮憑

軒傷往事依郭半荒邱

神旨戊申被水半城爲墟

泣向馮夷告騎鯨

忍再遊



興濟橋晚眺懷侍讀蔡雲橋先生侍讀守池時建此橋

去攜琴鶴入

綸扉終古長虹接翠微高閣卧波搖月上小舸穿洞逕

雲飛蓮池親侍張青菜

明張魯同知池州人稱張青菜公之後德似之

杏塢同

懷社紫薇安得準旒重到此手調糜粥療民饑

楓花紅歌爲銅陵孝子何長春作

有序

孝子廬墓三年墓旁楓樹忽開紅花郡人異之

歌以記事

豈有楓樹開穠花楓樹之旁孝子家守墓蓬廬倚樹韋  
樹老夜深作人立空山月白四無聲但聞孝子仰天泣

泣聲裂雲雙鶴弔驚走魍魎道虎豹酸風幾陣和風生  
孝子自泣花自笑花如謝豹千枝紅血淚著樹花淚同  
三宗新筍王哀柏或枯或榮天無功嗟爾孝子耕樵倫  
愁雲苦雨經三春讀書未報彌天恩愧我儒冠儒服人  
汪芝亭太守恩前歲誕曾孫有綠胞之異今五公  
子生復紫胞書來徵詩寄之

鐘山之雲霏五色出爲霖雨沛膏澤膏澤西流入岷江  
江波直下趨皖國太守自蜀還仁風六載祥和生鮮于所至  
瞻福星馭福老人麗南紀子星孫星一垣裏子星生子  
并生孫老人不老還抱子子孫合聚文昌宮綠胞紫胞

奇瑞同崑玉在璞噴白虹千年元氣胚胎中一朝濯磨  
發精采登之明堂儕黃琮君不聞大雄山下人頌禱公  
子公孫願神保願如紫袍狄懷英金字十二輝霓旌願  
如綠衣杜補闕年少貴人座中列

過貞節坊知爲曹家秀聘妻建卽吾族太姑母也  
詩以弔之

此石貞身化空望夢裏夫堂前調病鶴階下泣童烏  
蚤刳重泉合鍼穿十指枯承家有孝婦天使報孀姑

王礪東明府同游韞齋廣文盧樹春唐達齋爾少

尹邀賞牡丹卽席賦詩二首

對花不飲恐花嗤四座喧譁出令時一夜酒兵吳越關

解圍仗爾作西施

時以范蠡訪西子爲酒令

不豎降幡壁壘堅衆賓拇戰四更天勢窮只乞花神助

欲把花王作酒仙

同席多以購酒飲花

### 新安道中

山老得秋早樹陰生晚涼雲蒸梨子熟雨過稻花香  
月下黃海清風餘紫陽俗緣吾未斷和夢到仙鄉

### 吳越王祠

潮神亦避大王風休息東南仗霸功名馬錫來梁闕下  
飛蝗驅入浙江中曾稱義士親羅隱難得賢孫作寶融

從古河山一棋局知興知廢幾英雄

黃建成侯祠

名顯

草繡荒祠枕夕暉當年吏治盛名歸  
車崇畫蓋君恩重位到台階相業微  
師勝自忘深室苦薦高誰羨外姻肥  
卻疑潁郡神鳳集亦是張家鶚雀飛

懷無錫大令韓芸圃師

履寵

心香幾瓣答恩勤大匠掄材憶郢斤  
十二樓頭淮水月一千里外惠山雲  
庭餘唳鶴古琴和國豢貞龍清俸分  
太息驪黃神賞後廿年難覓九方君

新安山中有墓碑刻余撰者見而異之

新安多好山尋山探山根幽徑石萬轉高處一墓門墓  
門寬如堂碑碣何嶙峋上言當功德下誇賢子孫何人  
工諛墓渙認爲此文世乏董狐筆藻采空繽紛咄哉流  
覽畢撰者匪他人誠欲借光寵此邦多巨紳顧我名位  
卑毋乃辱貞珉優孟飾衣冠公然楚相身傳之千載不  
焉知非其真

嘉定葉鄂庭文學

文卿以祖母節孝傳屬題

莫釐山頭黃鵠集雌飛失雄哀聲急陶嬰感此秋夜號  
林壑慘淡風雨泣下有白鶴之長江殘淚墮入江水立  
吞聲忍淚煎羹湯低顏下氣娛高堂堂上蜜餠堂下堊

金釵鬢畢嫁衣盡課兒讀雪赬魚更書聲機聲參差鳴  
孤月對影暗無色十指皴裂冰稜稜冰消暖到谷中黍  
諫果回甘那終苦玉樹孫枝滿元圃門前高築懷清臺  
鳳凰五色銜書來嗟哉不見慈幃親手開

李愼卿比部

周南

以述懷詩見寄答之

我將攜杖登九華龍池汲水烹龍茶忽有新詩天外至  
詩心清冷如梅花記昔梅岡結文社與君載酒酌花下  
花氣染翰歸錦囊開囊散作雲霞光瀉入邗溝碧波裏  
三十六湖春水香君年旣艾選秋曹憐我還山猶布袍  
君亦歸卧江頭雪脯脩充膳慈顏悅畢養仍無出岫心

手種桃李植成列古鄉先生人所宗一巾折角千巾同

近日王袁導靡曼夢樓羣流日逐洪濤衝樅楊一柱難

障海幾人來叩鐘山鐘姚惜抱農部主講鐘山品學俱粹喜君龍門旗

幟赤安定子弟衆皆識俗吏誰移風俗醕輪扶大雅須

儒臣我願歸愚更養拙同作江湖報

國人



養浩齋詩稿卷七

貴池桂超萬丹盟

舟過湖州荻港訪章滄洲同年

超文

繫棹柳陰下春風尋叔牙衙門面溪水深苑入煙霞漂  
粟魚爭飯驚鈴鳥蹴花行行到窗外君正讀南華

西湖八首

西湖如滿月清光涵太虛空濶渺無際衆流之所潄我  
疑當潦歲毋乃民其魚漁人爲我言旱澇吾鄉無潮盛  
有時洩迢迢趨尾閭水閘任開閉建者眉山蘇仁人利  
百世不爾當何如

舟子緩搖榜告我昔遊盛歌童金粉粧舞女錦袍襯鈞

樂鳳簫鳴香廚麟脯進只恐瑤池仙華宴不能勝湖光

今冷落爲奉大吏禁穢哉賈平章餘腥洗未淨不有麴

瀾手湖波那得定

謂制軍汪稼門先生志伊中丞帥仙舟先生承瀛壺禁

昨宵夢騎蝶髣髴到仙境忽逢梅花林月色散清迴林

下列修士衣冠尙巖整折花飼羣鶴鶴立數延頸一鳴

從風翔衝破花月影今日上孤山猶是夢中景不見在

山人雲樹秋光冷

萬樹盡森直上枝鎖愁雲到此日黯淡知是忠武墳行

伍乃純儒千秋無此人疇昔讀王傳淚下摧心輪憾不

奮拳勇肩隨施將軍銘名拔劍碎賊首生死安足論

湖波寫人影騎驢明鏡裏昔時韓將軍閒情亦如此擊  
賊黃天蕩兀朮魄已死嗟誰棄長城壯懷付流水錢王  
小朝廷降梁羞義士堂堂萬乘主甘受臣姪恥君聽江  
上潮聲聲怒未止

古壘禁樵牧子公遺愛傳我來弔忠魂夕陽銜山顛叔  
申歸鄭伯奇功爲罪緣百神時震怒陰霾吹塞天悲風  
久不鳴身喪幸國全可憐岳字旗未到龍城邊地下翻  
羨公受戮功成年

打槩復西去行至香山祠公才亞李杜風雅亦吾師樂

府寓規諷剴切多匡時孤直難爲容鬱鬱已在茲官清  
如此水酌水日賦詩水利貽至今非徒文名馳文人重  
晚節千載惜微之空笑謫蓬萊臨風寄傲詞

湖上非我土信美亦何庸我家齊山湖湖光與此同垂  
柳倒影綠落花翻波紅閣雲穿洞壑上下交玲瓏扁舟  
蕩明月人在玻璃中所惜亭榭稀地僻民力窮譬諸荆  
山玉未施雕琢功居民亦質直采菱歌古風行當泛歸  
棹醉卧菰蒲叢

王十朋泊池州詩  
淮南風物似西湖

### 西施

一笑國爲沼扁舟又五湖湖流千百曲幾道通東吳憶

昔醉宮裏君王親手扶同看採蓮處香霧影模糊

昌化道上病中早行

曉月挂林角野曠之更鼓人行到山村萬家寂無語我

友宰前溪

疏策莊同年

方志待吾補弓招動微名少賤習勞

苦昔往日如焚今歸霜似雨饑驅誠足傷一身戰寒暑

寄無錫顧蕙塘孝廉

翰

燕北論詩倒酒杯相思盡夜夢中同知君心似蓉湖藕  
日濯清波百孔開

旅思

奉養高堂薄祿無叩關小吏亦揮撿江南消息鴻飛杳

病後容顏鶴樣癯廿載漂淪名海困全家衣食硯田輸  
承歡恃有中閨婦朝膳春來進筍蒲

己丑出都塗中雜詩十一首

檐溜聲未歇僕夫促我歸登車如乘舟曳水行運回衆  
馬踏波聲碎泥隨雨飛巨轂陷深轍百夫不能推前車  
亦已覆心輪與之摧吾生歷艱險八上黃金臺貧窮固  
有命役役復何爲

初春發征車辛苦等閑度雞鳴臨桑乾日夕始得渡長  
篙敲冰開半渡波浪怒面皴戰嚴風衣凍濕寒霧深夜  
扣旅扉鼾睡不一寤饑渴聊自耐露宿良足懼今歸還

雨零險阻倍來路

穀嗣吾已慣不憂人事非去去何足惜惜與同心違摩

詰餞綦母牽袂語依依知音豈無人胡爲碎金嶽謂熊

介臣周太史夢巖何農部門下桃李樹淚雨著花霏霏

霏隨北風吹濕征夫衣謂張農部寅陳刺史蘭嗟哉同

林鳥茲行不同飛竹實何處覓異鄉母乃饑姊孝廉黃

留獨

茫茫古燕國肅風多栗冽赫赫昌國君善戰前恥雪齊

城七十二降者如瓦裂王蠋一書生慷慨矢忠烈書生

耕野時未與朝宴列風采豈不殊無人識高節

東風搖弱柳弄影媚斜陽停車重邱道聞茲有名倡哉  
我綠髻高豔豔紅脂香嫋嫋歌喉柔僊僊舞袖長王孫  
佩玉解豪右明珠量時復客一笑故令聲價昂誰知面  
黢黢粉飾增輝光西隣有孟姬素服而淡妝夜月照蛾  
眉抱影守空房

齊俗多淫聲或咎管相國官壺不救正女間置七百戰  
國倡訛言信此詎爲得霸才亦有三好德甚好色不見  
牛口兒舉之在君側扣角今何人空卧南山石

東山一夜雨兩山翠晴欲流和氣釀佳麥香風交遠疇農  
夫攜鋤至種豆麥隴頭妻孥并力作終歲無離憂俯仰



殊自得於世何所求回頭語征人勞勞亦可休行矣驅  
車歸聊作躬耕謀

同車有徐君好古善考覈

徐孝廉廷璋

牡邱十里南約尋馬

周宅鳶肩聳巍巍籌國多擘畫文章工奏疏一字更不  
得君臣結魚水勲名垂竹帛何當卧新豐謀生乏長策  
英雄蹭蹬時宜遭俗眼白

四野聞清歌知是高唐區曼倩留古跡崇碑當路衢此  
老成大隱玩世世可扶進身苦無路伏闕自上書文辭  
涉誇張表見良不虛立朝善諍諫固與利口殊史傳稱  
滑稽乃至儕流于賢者不易知今古同長吁

脩途乘笨車羣馬多虺隤中有鐵色驪行行何壯哉掉  
尾長風生舉足浮雲開瘦骨撐峻嶒知爾非凡材受制  
奴隸手養之同駑駘鬱鬱千里志輟下空徘徊日暮黃  
塵飛一鳴我心哀

春雨漂落花花不怨殘春霜風掃落葉葉不怨霜晨花  
落遂其實葉落固其根養根而埃實勿孤造化仁

閑居

花明檐樹綠陰圍草長階除晝掩扉當戶吹彪眠日起  
蹴簾飛燕帶雲歸家貧祇有文章富身瘠空期衆庶肥  
報道江頭潮水漲憾無長劒斬支祈

過余梅岑明經維維觀晚甘園

亭沼重重異境生園中邱壑本天成分明寫出詩腸幻  
百折千迴不肯平

題曹穀生廣文

鳴鑾

天涯芳草圖

孤客傷春最慘懷情深著語轉癡迷自家驅馬離鄉國  
偏怨青青草滿堤

題王荊坡文學

澤

書城坐擁圖

生不能如介子棄觚行邊疆提劒手斬樓蘭王又不能  
弄掉儀秦三寸舌立取卿相腰金章龍門趨躍風浪阻  
歲歲暴腮良足傷惟有擁書據南面弟子鵠立分成行

山中宰相自尊貴嘯傲王侯非輕狂君不見七十二城  
興廢場忽燕忽齊都無常又不見詩城五字排金湯偏  
師誰敢攻文房嗟予未到鄉媛之仙鄉家傳舊業輸曹  
倉何況千里作客擔空囊願借荊州向公瑾休似素人  
不與蘭

除夕

聽到鐘聲歲又闌笑余心比鄭虔寬敝裘翼子平分煖  
薄祿供親自減餐詩淡宜陳新藉祭酒溫聊破舊氈寒  
窮爲何物知誰掌文似昌黎送汝難

陳生爲余作射雕圖題此自嘲

男兒始生弧懸門命射不能辭負薪笑我勝衣弱無力  
逡巡七札彎六鈞陳生窺我雄飛志繪圖射著摩天翅  
秋風獵獵木葉黃抽矢平原聊自試嗟哉微鳥弋獲何  
足豪前年西域天狼跳玉門關外戈矛交一發殪之如  
此雕我獨何爲面塵壁怯作鷹揚甘退鷁隻手未擒張  
寶來奇功專讓楊無敵不武猶可乃不文文場八戰皆  
債軍軍債敢曰非戰罪詭遇不爲終不悔壯年許  
國寸報無日月流矢將何如握槩按圖汗浹背酒後耳  
熱撞几碎君不見班生家世儒者流弗得侯封筆亦投  
又不見少陵詩人恣遊戲短衣射虎學猿臂

示連琛連瀚兩兒

我齒如兒學早勤  
半生挾策困劉蕢  
門多立雪虛名擁  
族少炊煙薄俸分  
閱世風濤終履信  
傳家衣鉢只高文  
好將先代書田守  
縱不逢年努力耘

邀石愚亭

希顏

廣文小飲

冷署起常晏  
撲簾花影重  
寒衣換春酒  
歸夢斷晨鐘  
種樹爲誰蔭  
編籬當我墉  
隔窗呼石友  
長日話羲農

憶俞澹川文學

相

遠事有感

并序

文學捐館日有客自青陽來見其乘輿衣蟒鼓吹行道上是夕青邑城隍廟守巫亦夢俞君接

任兩地合符足異也正直成神理有或然詩以誌之

生前誰識布衣尊回首台星尚射墩池城北三台墩文

用齊種竹關心儲鳳食文學師竹山房詩云但願年下鳳凰臥

松無意上龍門骨惟不俗成仙佛詩到能傳有子孫學

無子同人君疾同時豪胥吏相逢地下可誅論

登天柱山一名南嶽

我欲手摘峯頭之碧蓮日華搖蕩春光妍煩襟濯向天  
池水掃雲枕石花間眠忽覺洞口風輪拔地起千軍萬  
馬奔喧闐山僧云是漢皇舊遊處百靈猶集聞鳴鞭下

有弩臺曾試弩上采仙藥延年猗嗟人生賦命胥由  
天予角去齒難求全豈有兼享富貴之神仙窮奢況踰  
祖龍轍非求學道通虛元但願身與此山同不老驂鸞  
馭駿遊八埏建章多少如花女千秋不復離歌延此心  
已隔仙路億萬里爭得安期羨門來殿前奇莫奇於方  
士尙公主金枝玉骨何輕捐仙人好生不好殺忍教驥  
武開窮邊我惜長卿生諫獵身後封禪留遺篇逢君罪  
乃同張騫慎哉文人綺語每輕宣君不見梅花賦外無  
他稿孤山處士名高懸

寄吳竹如比部

廷棟



淵明遺世外文章聊自娛亦喜賞奇人南村故移居記

昔客燕臺同舍有熊徐

謂介臣比部  
鏡溪工部

兩月末通刺見詩

心折予予亦奇其文從此肝膽攄熊公奇偉士徐子醇  
實儒今登要路津不以雲泥殊去夏初晤君爲我泣遺  
珠我歸渡江南天末空踟躕君家副衡山高與青雲俱  
空明衆仙窟神秀百靈趨不有哲人出毋乃名山孤傍  
山築文館招我鷹城隅公然抱鐸來愧無春風噓春風  
綻辛夷寒香浮我裾清影倒池塘雲水交相扶感懷素  
心人花下逢尺書書中惠我文異寶獲璠璣因文見本  
性字句乃其餘憾不化爲影動定隨君軀迢迢萬里月

明光入我廬兩心結一片南北焉異區昨夜乘孤鴻與  
君重執袪人生春夢中眞幻知何如春夜願稍長良會  
延須臾

同九弟子穀暨吳鐵香登南嶽四首

陡從天半起樓臺日月爲門一線開

兩山形如日月城影孤浮

當水立鐘聲百折出雲來祭茶更比祈蠶早煉藥何曾  
跨鳳回但使山靈不嘲笑蛻除俗骨卽仙才

山不登封亦足雄霞飛猶認漢旌紅雙峯向日下方兩  
萬籟無聲孤洞風古樹鶻鶻花作飯天池龍卧水爲宮  
何人懷抱隆中略出澗蒼生與爾同

蕭蕭雷祠

雷將  
萬春

銳鼓鳴鄉人禮拜事如生射當鐵面

甘爲的守住金心卽是城已使令狐寒逆膽憾無援蟻

解圍兵男兒一死重山嶽豈爲馨香萬古名

一木其如廣厦何宋臣抗節此巖阿

相傳宋末曹平  
章拒元兵於此

憐少帝沈三島誰助文山戰五坡大纛掀天餘石硤長

鑿掘地拾金戈只今鋒鏑都銷盡又聽榆關奏凱歌

楊葆卿監丞

宜之

以敬亭吟草見示

家距宣州三百里山山不斷伏還起我欲騎鹿往采黃

山芝直下敬亭追謝李二十年來墮塵囂有約不踐山

靈嘲聞君吟嘯南樓高手執牛耳談風騷細侯郭松崖

茂叔

周伯恬廣文

神仙吏闕奇角險心兵交我任江南君江

北天畫鴻溝越不得慎毋拔爾花管之鮮妍奪我三十

六峰之春色

英山乞假將歸留別諸寅好暨同學諸君四首

我來又見蓼花紅素食休嗟宦況窮溺拯文河難息浪

歲試時以阻考幾成罷考遲勒諭得息今科童場滋事超從轅外奔救不及僅止住九十八人應考完場勸令三

百人投芳揚勁草可移風訪得薛可衡妻王家瞻白髮首免罪

盤餐藉城少青衿戶捲蓬考藝申明騎月約餘皆暇日

課兒童

英士盡卿居訂晦朔之間爲課期二

斷春地僻遠紛爭吏隱差宜萬景清藥種茯苓培鶴壽

帝成言貝促雞鳴四圍高嶺人穿畫三道溫泉我濯纓  
歸路千盤須熟記安排此後夢中行

聞道前明寇負嵎史公屯此奮天誅皖江隄障防穿蟻

池郡熊羆合射鳥

史閣部麾下多吾池人

人在萬山文亦質地連

七澤楚兼吳卽今衆志如城固版築還應備不虞

英邑無城

把酒留予待蟹螯同心難得是同曹

謂翟梧村明府吳春畬司訓錢升甫

少尹王一如城守

兩河甘雨雪杭熟三里文風星使褒段氏忠

臣遺象笏金家司寇有龍旌願脩士行清如鵠聳立鷹  
山萬仞高

### 文姬撫琴圖

譜出愁腸一曲中知音尙賴有曹公修蛾命薄如焦尾  
捕鼠聲驚已伏戎珊瑚至今懸漢月哀笳終古怨邊風  
可憐父女才俱絕二董門庭末路同

晝眠

我是清都之狂仙偶然遊戲辭九天墮入深山最深處  
三台五老相周旋自有文章可怕悅折腰權貴良不屑  
四方遊倦歸去來香名空飲今班白坐待冷官年復年  
高歌閒殺老鄭虔自耕十畝秋穫薄蓬門多客希酒錢  
入謀諸婦婦束手布裙典盡況金鈿人生有無且隨遇  
胡爲舉動求萬全可憐瀕江百萬戶都作波臣聚水府

白骨星散潮頭翻西風吹之歸海嶼或脫魚腹衝濤回  
闔廬深谷出汗荒陲壤高原又苦旱吹簫何處朱門開  
嗟哉愁霖十日猿聲哀半爲道殣溝中埋生者扶病泥  
渾來安能似我麤食眠村齋

養浩齋詩稿卷八

貴池桂超萬丹盟

題周夢巖侍御評梅山館圖

十龍仙人浮植來手持玉尺雲章裁珊珊冰骨世希有  
前身君是九英梅一見梅花如故人築館同居交以神  
昔上梅岡我並轡賞春細辨色香味酒酣笑口對花開  
巢鶴高枝最清貴幾年連袂遊京華每逢花市看唐花  
譬以衣冠被傀儡面目猶是神理差君從玉堂執霜簡  
桂嶺高山事掄選拔過郊島寒瘦才仍是當年品花眼  
嗟哉一樣東風澹沲時君爲南枝我北枝象香國裏花



如海大海茫茫誰三持君不見廣平作賦摘妍詞鐵石  
心腸無人知沂公不遇呂相國空獻百花頭上詩侍御  
家十

龍巖

閱九弟子轍存存山館詩

東坡譽子由當時或疑之後世誦其文賢者固無私阿  
兄筆如龍在沼受人羈阿弟藻如鳳未得梧桐棲投珠  
或云麝獻璞或云款尤物不經見多怪固其宜好風從  
東來花氣入心脾經年香不散神合誰能離名理貴愜  
心匪求解人願終有賞音人百世以爲期

東徐鏡溪工部

敬山

徐君如好玉，竟體溫且純。詩史又工部，高歌泣鬼神。  
恩私店月同，看五端。誰識中腸熱，偏歸冷淡人。

都中晤吳興公太史

文鎔

來從汴河岸，衣帶首山雲。經汝輜軒路，清風騰衆芬。  
九衢殘雪積，三月落花紛。嗟我沈淪久，連朝慰問勤。

松林真句圖爲郭羽可孝廉

儀晉題

何地著仙心，仙區塵外尋。風泉偶相答，來鼓雲和琴。  
月下露微影，鶴飛遺遠音。我行入山訪，但見松花深。

京陳登之別駕

延思

昔我初識君，君時髮纔束。旣長益見親，覲面去苦促。高

門盛簪纓德星聚一族元季噪文畧獨君守雌伏但見  
銀鈎垂綠水媚脩竹誰窺學海深探源到星宿翹翹燕  
山雲樓臺出喬木天風縱送之變態隨所觸對酒謫仙  
歌感事長沙哭歌哭來無端悲喜集尺幅美媛藏深閨  
良玉韞幽憤回思君貌愚轉笑我眼肉才全造物妬謀  
受鬼神福多才君可虞幸哉虛若谷

薦文四兄以近作寄示

春意乍萌動芳心亦吐芽新詩似池柳濯影搖清華回  
首同懷槩隨肩學詠花年年無別憾此樂是仙家

詠史十二首

耕田此犇旌行遠駕驟駢荷戈須武夫經國必文士陳  
涉一亂民魯生爲之死豈不重身命欲雪詩書恥哀哉  
秦難發實自坑儒始一諫出扶蘇中原鹿失矣馬上得  
天下安能馬上理漢廷徵陸生去秦亦無幾

史美文翁治成都學校脩學官弟子貴富者出錢求君  
子羞務名況乃賄賂投四維缺廉恥風俗良足憂子長  
重貨殖利竇趨未休不見純袴兒要路鳴絳騶

子房擊狂秦納履甘慢嫖左車一亡虜淮陰肯折節稜  
稜干將鋒過剛有時缺憑高恥下人自用非俊傑正平  
亦屠沽羞與屠沽列文舉誤薦揚任之終滅裂

騎虎勢難下覆水收不回酒惺惺死處堂燕燕災終  
夜牀數易林甫亦可哀暇哉汾陽公侯門常洞開

唐何釣巨魚蒲且弋大島心神果精專何妨弓綸小貧  
薪誦習勤刺股揣摩好爲學豈不力所志在溫飽千秋  
一董帷正誼以明道

皎皎青樓女紅袖當風揚豪客高車來巧笑勸壺觴時  
恐恩寵移百媚鬪新妝一朝黃金盡寸面生炎涼嗟彼  
鮮恥流趨利固其常翩翩翟公客失勢亦遠颺

矯矯天上駟月夕懸高秋羸鷺仰首鳴同類謂可求翟  
頴繁何人姓氏冒馬周仲舒出天帝語鄙尤可羞古人

亦今人何難作匹儔去實冀望名毋乃同俳優

短檠遠照人自照無明火虬蟬不知量竟謂撼樹可東  
施效顰眉作意爭嬌媚羣兒謗李杜勢將奪席坐荆公  
諄新法古人出其左惆悵得過鳥鳳凰不如我

山霧迷行人不障十步內近者聞見真遠者多蒙昧無  
兄云盜嫂豈難滌垢穢惹苒作明珠賢主爲弛愛鹿馬  
苟見察趙高早斥退

火煎無靜鑑風急無定柯致治用酷吏無乃傷天和太  
叔尙寬政萑苻殺轉多根莠不見除胡以植嘉禾君子  
慎謀始鞭扑彌干戈其道在親民勸之以九歌煦煦老

婦仁水懦將如何

彭彭出戎車駢駢驅戰士痛哭辭六親焉知生與死兜  
鍔炙炎曦鐵衣凍雪水亡者多析骸存者亦墮指寇壘  
既蕩平主將奏片紙赫赫敘戰功乃在乳臭子

對面失泰山浮雲盡蔽之眞璞雜石中內美固難知漢  
帝念頗牧魏尙已在茲當前不能用隔世空相思

留別陳登之

聚散尋常事天涯知己難鳥飛花影亂馬踏雨聲寒戀  
日孤衷識停雲兩地看窮通各努力報

國豈須官

汪松我

錫才

同弟肖巖

錫鼎

兩文學餞別贈之

南風吹白沙陰霾壓蓬鬢將行膏我車馬繫弗能進伯  
仲餞壺觴高情雲萬仞雲去天迢迢聚散爭一瞬聚散  
亦何分明月兩心印努力策燕臺飛騰盼雙駿致身良  
不難朱墨慎所近

都中與姚理堂孝廉

元燮

朝夕敘晤

一留一去

別依依作此贈之

天半曙鐘下鳳城開九關關頭月未落照我隻輪還子  
亦壁三獻坐看雲萬山萊衣歸日換別淚滴漏闌

出彰儀門



尤轉未成丹神山飛渡難一鞭南浦去四月北風寒湘  
水狼煙警江鄉雁戶殘巨公多勝算回首望長安

朱蘅臯明府

庭芳

出郭羽可畫竹屬題時明府往

宰山左卽以送之

朱君桂嶺之雅儒奉檄將適東海隅晤我大梁十日話  
草木臭味交相孚款篋示我郭熙竹當作琴鶴行與俱  
與可一身並竹化子猷終日偕竹居雅人翩翩好風致  
夙癖固與常人殊是時赤道紅輪驅避暑何處壺公壺  
淡墨淋漓作雲氣涼風謾謾生階除須臾靈雨沛然下  
暗聽紙上聲蕭蕭我聞畿輔赤地幾千里南旗所至今

何如願祝長竿化龍遠飛去庶使百穀蘇息

冕憂紓送君往拜泰山觸雲石甘霖一路隨君車

淮河舟中

驅車朝出大梁城一路秋風打槳聲清潁無人牽犢飲  
長淮有客佩牛行曾聞南嶽纔囊矢又說東閩未靖兵  
盜弄潢池原疥癰要經盧扁始安平

家大人八十壽辰誌慶六首

柏木林中采紫芝阿爺八十舉觴時壽星當戶南天照  
陰隲通神北斗知功讓仲連紛解久量宏師德唾乾遲  
讀書養氣承明訓爭得猶龍善守雌

門前柏木林祖  
齋所在今產芝

回首尊開七秩筵齊眉舉案月猶圓獨留一老爲鄉範  
只媿諸男乏孝泉佳日喜添重九閨高秋已兆八千年  
兒歸喚婦儲朋酒剛是紅蓮稻熟天

六枝桂萼一枝殘慚說燕山并五難毛檄望虛金詰杏  
萊衣舞罷布袍寒謀生多在芙蓉幕進膳猶懸苜蓿盤  
幸得老人胸豁達鳴鐘啜菽等夷看

兒嗣大宗承祖命六年入塾試靈心卽窺韻府兼文海  
曾把金鈎對玉簪超六歲時以金詩禮夙聞無外傳壘  
篋迭唱有同音春風九度劉蕢放孤負清勤報

國箴

大人時以清  
勤勵超

真樂從來不礙貧一生善誘最循循陶鎔情性憑良治  
醞釀文章到大醕鄉飲四隣推祭酒儒冠五世有傳薪  
卽今把卷渾忘老目課孫曾十六人

硯石深山之宦情豈無謀慮到蒼生減餐自咲雙弓米  
周急時分半菽羹昨歲避魚隨地上成羣餓雀向人鳴  
縱然匍匐難通一點慈祥達上清

戒六弟宗周

源萬

諸葛神奇猶謹慎荆公剛愎誤聰明莫云蜀道三關險  
到處蠶叢不易行

前年弟自蜀回

舟發池陽

行驂甫息又征蓬  
筆戰期成借一功  
文采世推希有鳥  
泥塗人是可憐蟲  
千家禾黍浮波白  
三楚旌旂報捷紅  
我亦飛花辭樹出  
落茵落溷且隨風

舟經赤壁

戰地全耕漢壘空  
江頭往事問東風  
鶴飛重掠孤帆白  
鵝集猶驚斷壁紅  
誰繼髯蘇稱賦手  
可憐孟德亦詩雄  
焚舟然鎖尋常策  
勝在人和匪火攻

舟泊漢口風浪橫江擬登黃鶴樓不果

仙樓如仙山咫尺  
隔雲霧黃鶴重飛來  
騎上樓頭去

漢川顏佛行

青蛙亂喧蒼颯走淩原破廟無人守古佛金面卧荒苔  
全身半作波臣久聞迢楚俗崇法華女巫男現紛如麻  
朝朝焚頂來拜禮旃檀香散爲雲霞漢旁連歲成巨澤  
佛亦顛倒當其厄嗟爾塊然泥身何痛痒可憐億萬生  
靈飼魍魎赤膚化水碧漲添白骨填滯青蒲長佛受胖  
瘡奚所司顛而不扶應罰之年弗順成蜡祭撤並罹蕩  
析將何辭狂僧擊鉢口誦咒募得青蚊議重構豪門性  
吝推解難獨此傾囊冀神祐我願移金先贖貧仁者有  
穀貽子孫爾不見佛身已捨荒江濱不能自救遑救人

懷八弟延齡

昔渡黃河月光白於雪昨夢黃河冰冰心堅於鐵子  
從北岸南我從南岸北塵面遇中途攬衣立河側

風阻利河口

水國困重圍神兵萬馬歸河聲怯浪立風力拔山幾五  
夜寒詩膽三更望曙暉萊衣不忍與其奈旅人饑

襄河夜泊同九弟子穀

歸探古嶺梅遠夢忽驚回雨勢移危岫風聲卷怒雷孤  
舟苦岑寂羣盜况喧虺一夜聯吟楊愁懷賴爾開

襄陽卽事

愁霖竟日逐風狂一路荒郊觸目傷破艦支廬祗窟穴

我將子易糴糠二千里內無乾土三十年前此戰場  
楚北從來民俗悍求芻司牧早隄防

南陽道中

久雨病行客客衣半泥痕昨聞陷輜重深轍卧經旬我  
乘小車來避潦繞河潯寒煙起樹杪晨星歸遠村水沙  
渾一色望之皆白雲雲路忽迷離顧僕前問津野叟願  
先導頗見風俗純每里式草廬此中或有人

龍女歌爲泰和周雨樓文學

作沛室龍孝婦作

龍女王母之侍娥乘風謫下龍巖阿善事繼姑若王母  
姑性難調將奈何或言小杖受大杖逃爾胡不學姑惡



小鳥飛且號龍女低言姑德慈蹟地碎首非姑咎卽由  
自外歸遲遲覆以巾幘卽不知茶味苦甘如薺蓮心苦  
笑口啟龍女女中之孝已青鳥召反難久留騎螭飛渡  
西池頭天臺茫茫絕仙跡劉晨夜聽子規泣春柳三眠  
眠熟時珊珊入夢前致詞詞中紅豆牽相思願君事母  
如姜詩

贈吳玉階孝廉

金華

吳猛飛入梁王城梅花笑對濃香生仙骨峻嶒仙眼慧  
素鏡所照肝膽清問君前知有何術萬物之理誠則形

至陝州

髭上堅冰鬢上霜移來行幕古秦疆山頭車轍翔天路  
地底人家臥洞房陝民多穴居獸炭紅圍爐火笑龍榛碧瀉  
芳泉香四知我佩關西語爲訪三鱸舊講堂

自汴入都留別廖子京參軍

折

何堪別緒又如麻矯矯君爲天半霞廿載夢醒邢水月

一園雪霽汴城花希蹤祖續祠黃霸

葉人爲復堂師請名宦今參軍又舉

卓異庶幾  
繼祖武矣

回首師恩泣絳紗楊柳青青不須折春光隨

我到京華

爲周夢巖學使編成中州試牘賦此

江陰操選又嵩陽

癸未同四兄爲周石芳

選江蘇試牘初二集偽體刪裁字

挾霜但願人銘大陶冶那羞代作嫁衣裳詩心座客推  
平叔何春溪文學賦手吾家有季方賦皆子始信斲礪  
成廣夏工師只在集羣長

途中用壁閒韻二首

春風十度上京華許

國馳驅不爲家誰相車塵五千土就中知有賈長沙

諸君獻策富才華未雨應謀葺室家湘水波平閩海靜

可憐軍士半蟲沙去歲楚閩有警俱平

憶昔行

憶昔應鄉舉母夢先告祥夢見曾祖來道兒登賢良攜

夢親手貽方者爲懿佳雙箭如月輪大小擎圓光

言和夢中

詩母斯言應如響此兆人猜詳或云鹿鳴歌嘉賓承筐  
帝爾學起衰手爲世掃秕糠或云茲竹器蠶績而簸揚  
母節閔茲苦故以科名償霄漢雲路濶燕薊關山長春  
風桃花蹊倚門向北望北陌車塵飛迢迢廿五霜泥金  
裁帖成何處報萱堂昨宵夢慈顏歡悅如舉鄉烏啼一  
相失回首摧肝腸

余與閣學程春海先生

恩澤

非有舊識忽惠以詩

### 奉答二首

上界神仙侶難攀悵此生忽然得琳篆遺者茅初成龍

衣裋詞童驪珠暗室明只虞負期許文吏笑虛聲

文章爭可貴實用及蒼生衆竢競繁響何人集大成公  
爲黔楚使天現壁奎明經術被南國至今聞頌聲

附春海先生元羅淵源秦博士醞釀漢經生文筆奇而法才名老更成但教空冀野矣事厭承明寫入溪南集庶聲卽頌聲

閨恩

昨夢到漁陽言卽遣故鄉掉頭躡卽跡入門不見郎

四眼井詩柬徐鏡溪

泠泠四眼井井水清且漣居人飲此水廉讓生心源豈  
伊水德靈君子居其間君子與水交結此淡泊緣隱之

古良吏化行及貪泉  
況茲不波水浩浩全吾天半歲資  
提注奉檄難遷延我  
心輓轡轉我情修綆牽念違千頃  
陂鄙客誰爲前願置  
調水符惠寄江雲邊

留別程深甫工部葆同年

昔在濂溪幕

謂石芳師

窺

君大筆雄祇今交北海每共泣南

豐曉日鶴棲樹秋聲  
馬喝風去留各龜勉冰玉保初衷

題高飲江其楨

讀未完書齋圖

大智惡其鑿萬事留  
其餘經籍牖後世箋註何紛如漢  
儒或云雜宋儒或云  
拘了了觀大畧南陽真名儒勞勞  
求甚解桃源花笑余  
吾輩尙經濟務讀瑯環書譬若探

驪頷引手握其珠瑣瑣鱗與爪棄之奚惜諸

熊介臣比部一本以文送別奉答以詩

稜稜古棘木赤心天地知聽獄於其下中有張釋之釋  
之爭大體強立向丹墀王生曳襪來乃以殊禮施金臺  
一輪月夕浴九龍池水月相淘汰皎潔增清姿月光有  
離合臨歧贈我詞虛譽卽良規高文信我師彤雲下

九霄君行五馬馳黃去已遠流風今在茲

君郎中秩  
滿記名外

用霜天萬葉鳴雜遝車聲遲努力副期許遙慰長相思

養浩齋詩稿卷九

貴池桂超萬丹盟

相公墩二首

墩在池郡東門外南唐相國湯悅讀書處

小朝舊蹟荒庵君相文章並美談作史可憐陳壽筆

身居江北錄江南

湯相從後主入宋奉勅作江南錄自謂有陳壽史體

進賢或可保危邦但要端方似葛龐險甚放臣樊若水

孤舟風雨去量江

余浮齋有不為同鄉樊若水笑君肉食計何疏之句

村居

遠客他鄉苦憶家家居肯負小園花門前一水滋千畝  
窗外羣峰揖九華穉子戲編茅作狗山人提贈棗如瓜



卧聽社鼓閉閣聲絕勝慌忙報早衙

池陽城西郊遊

酒鑪小醉到斜曛古寺鐘聲天外聞  
佛手散花飛碎雨客衣鈎樹瀉濃雲  
文章六代昭明閣碑碣千秋處士墳  
山郭水村吟欲遍更無人識杜司勳

九華道中

將飛喬舄出煙霞策馬東行別九華  
澗水春來如草色嶺雲斷處忽桃花  
人行樹杪高於鳥路走山脊曲似蛇  
他日倦還重到此安排爐竈煮龍茶

先塋工竣將奉檄之北平哭墓拜別傷感成詩

經年負土上山椒手種松楸長碧條茅嶺蓮田芳月滿  
柿沖珠海象星朝柿嶺一爲明珠出海形崇封永隔傷  
離膝薄宦何時謝折腰回首親恩喬嶽重難將寸壤答  
岩堦

乙未冬杪南昌郡齋晤何菊垞順之農部對酒贈  
此

銅官訪謫仙行雲嶺表馳誰料東西雲天風吹合之七  
載一相見得見曾幾時森森章江水與君爲酒池酒酣  
談海天肝膽傾一卮卮滿我亦憂覆溢防在茲君才天  
驥騰人間羈縲辭從今騁天衢高處慎自持

贈張子畏太守 真

爭說潯陽水恩波九派流春風散膏雨又滿百花洲澤  
集嗷鳴鴈工因代賑鳩今年定豐稔賢守爲民求

陰平道中

宦轍南行又北馳艾年服政未云遲怪來鏡裏容顏瘁  
不似毛君捧檄時

多士休嗟被<sub>丁丑</sub>同窮途我閱苦辛來日華五色於陵賞

十上龍門九暴鵬

<sub>丁丑巳卯等科落卷  
爲汪文端公所賞</sub>

夢裏吳閭曉鼓聲兩年弋獲媿虛名書生一紙曾何用

人說強于十萬兵

<sub>余初到蘇時部檄未發于丹陽境見  
糧艘要約械闕遣丁馳告當事防護</sub>

得息陽湖有兩京案抗違之犯人不能獲余攝篆之  
明日諭以利害招十八人俱來此皆偶然聞譽其愧

愁說燕齊早慙驕麥秋今未轉豐饒如何東海無冤婦

便使年年風雨調余前歲于役過京口訪得王貞婦被  
姑遇姦自盡言于上台得雪亦恐冤

氣干天瑜耳貞婦事與  
震川集載張貞女同

題錫蘭九明府齡柳溪泛舟圖

擾擾紅塵逐有年披圖使我憶林泉輕舟似抵齊山下

十里湖光蕩綠天

丙申抵樂城任後多病感賦

空山何處剔苓蓀宦況貧無鶴與琴長孺那教衝邑卧

咎繇豈爲典刑瘖時患失音朝寒奔命餘癰骨夜靜焚香此

素心攬鏡漫嗟憐，悴甚可憐巨痛在蒼黔。

丁酉初秋憂旱

含苞萬穗釀珠胎，坐槁秋陽亦可哀。  
不爲蒼生降霖雨，薄雲枉自出山來。

秋旱得雨山長鄧樵香刺史

詳麟

贈詩答之

七月禱雨龍潭灣

龍潭灣在樂城南五里

神云雨在秋冬間十日

不雨禾槁盡聞此悲痛心膽寒

關廟籤詩有秋冬誰知括括雨霏霏之句

應在戌亥日自夕達旦土膏濕君卜亥未雨旗纓時值

旬空待填實果然應候風濤掀雷霆驅使虬龍來未日

不應應吉亥亥未會局星家言回憶夏旱石爲燃亦蒙

神語宣祕鑰三伏之初符節合雲師雨師等閑作

錄詩  
節氣

直交三伏始喜  
逢滂沛足田園關城地脈西山連浚治雙河流沃泉自

從河身塞成路喁喁萬命懸青天安得點金作工費濟

開故道如當年地多井贊稍補救卓哉皖桐王宰賢

王公

玃使民  
鑿井

通衢冠蓋車喧闐百牢索盡無餘桮不愁宦海

波難填只恐徭煩民未便賴有先生布時雨岫雲新賦

歸來篇

### 春夜夢四兄同榻

衙樹鳥棲定勞人亦息紛歸心忽乘月大被合眠雲抵  
足寒宵暖從頭絮語勤生憎南北路枕上曉鐘分

樂城官舍紀事十首

憶昔初奉檄離家廿里餘羣樵指我言好官福何區少  
壯苦貧賤無德加鄉閭邂逅預推崇斯譽誠不虞涓涓  
半溪泉就下流通渠桔槔激之轉滋潤到高畬當官不  
濟物寶山空回車永懷父老言深恐期望孤

下車告羣神焚疏明已意撰句懸公庭賣法腦塗地

云

我如賣法腦塗地  
爾敢欺心頭有天潔已敢銜名巧詐防胥吏薄俗輕彝  
倫蠅頭角微利布教媿無方得情忍自憲素絲化爲緇  
染就由漸漬生鐵鑄成杵磨鍼良不易

關城壤褊小通衢冠蓋交傳檄旁午至梯山九譯朝

官非所羞敢辭迎候勞事上分應爾奈何慊從驕供億  
匪云薄媿茲土地境饗人告斷炊行人責饋牢酒池而  
肉林餘者遺坑壕出車古成法征求下四郊明知民力  
艱不能寬其徭征盡到鄰車僱之索價高煎金旣無術  
挂冠焉能逃前途飛騎來又報臨星軺

衝要車徒來宵小易涵跡五里二野廬遣役往潛緝健

僕住兩頭信籤當符檄

時以兩家丁分往南北交界更  
凡護送行旅各役俱取籤回

雪月出雲梢孤城萬家寂策馬我親巡寒柝碎空碧鐵  
面冰凝鬚栗肌風伺隙執轡手全僵狐裘猶顫栗况爾  
徇路人鵲衣偵永夕



樂伯遺甘棠孰如召伯多前廳古槐樹好鳥鳴天稭歲  
歲罩濃陰日午影婆娑我來受其庇種者知誰何惠風  
扇春溫吹條成綠波攀摘補空缺我手親摩抄鵲枝詎  
久借願爲鳩營窠因語蒨屋人遍種珊瑚柯時勸民種樹

龍圖望西山似我九華秀玉筍插晴霄槎枒角星宿其  
中起伏多龍蛇挾之走縹緲煙雲空玲瓏洞天透要知  
露穎奇祇在蟠根厚多士飽看山文豈悟結構時龍祠書院初成

白日天無光南風蝗飛揚率衆搖旌旗驅之回風翔翔  
者間遺墜俄頃青疇黃火攻不能盡網密不能張巧女

從天來啄膚剗其腸

去秋飛蝗過境有墜南宮安樂兩村者正撲捕間有黑蟲似飛馬蟻

而六食蝗殆盡敢云德政孚仁慈謝上蒼冬雪幸盈尺

餘人各爲巧女餘寧凍且僵只恐肆蠱毒不少人中蝗

飛微陣雲裂刀光白於雪壯夫五十人當作勁兵閱保

甲鱗編排奸宄豈云絕捕遍毒鴉巢搜窮狡兔穴若非

身手強保無鋒刃折書生劒術疎振旅愧驚拙爭如鄭

巨君練成渾身鐵

時順德鄭春溪太守愛民潔己武勇亦復絕倫

縱目攬形勝朝登纍武臺左右尋雙河源泉安在哉故

道犁爲田見利忘其災歲旱澤如熯歲潦濤如雷我爲

補苴計陰雨防未來隴頭廢井修路旁深溝開

時勸民修井開

清治決恐爲害浚塞終須排何當疏血脈不使河身埋

治河滹沱支流開之恐泛濫爲害浚河宜復舊數爲難

莠草害及苗莠言害及政去莠鋤其根民興務經正往  
時邪說行徒黨一何盛飛蛾撲燈光殘灰墮萬命邑風  
豈盡醺頗乏奇裘徑要使主先入客來不能勝士者民  
之表爲我宜禁令人生元氣充庶無寒暑病

春興八首

一官勞似爲人傭斗大孤城截要衝貢有七千貞賦地

歲征除留壞無五十附庸討雄風夜卷田驅豹時有靈

雨春祈廟祀龍忽聽隔林鳴鴈翅碧桃花下勸村農

琴城曉色萬家煙古井淘沙出石泉  
穉樹雨滋兒得乳  
鬢街風蕩客踰船回思白屋孤雲鎖  
幾卧青氈冷月圓  
宦路漫誇煩劇地冰清猶是十年前

輕車巡野迓朝暉春到村村錦繡圍  
高柳露條禁鳥軟  
遠山晴翠逐鷗飛九衢平砥千夫助  
兩道深溝衆水歸  
孔道苦潦今于兩旁  
開溝卽以其土填道可惜長堤花種少  
難同潘縣鬪芳菲

回首江南聽鼓闌德林春意到孤寒  
每誇鐵案窮冤雪

時林少穆先生撫蘇稱余以經術爲治術判語可入資治新書  
相對冰心禮數寬去歲

重逢渾似夢中途長語爲忘餐  
公持節赴楚余上  
省謁于伏城驛捫懷

何以酬知己治理民情洞達難

余在蘇已詳補荆溪題以通達治理善體民

情出考

遠通滇粵近荆梁掌訝前驅驛道長  
鳥立樹頭呼客語  
花開路口笑官忙  
庭琴晝伫涼于水  
野柝宵巡肅似霜  
防盜應須鋤盜本  
耕桑足後四維張

陳餘故壘隱榛荆  
二百年來息甲兵  
北極五雲連大漠  
西山萬笏拱神京  
春當竭澤爲霖急  
地近長安捧日誠  
一片桃花綿蔓水  
竭來曾鑑素心清

南人多詐北人嗤  
誰料譁張反過之  
春市樓臺吹海蜃  
蕭鄉室子奪林鴟  
何曾天網吞舟漏  
一襲靈犀怪物知

習染未滿慚俗吏。彌好豈盡任鞭笞。

有弟陽春愧宋公。范家憂樂與人同。杏林乞藥先醫俗。  
竹筴多文不送窮。傲骨任嘲強項令。坦懷只學信天翁。  
政餘子姪還親課。清白相期嗣祖風。

祈雨三首

神祠伐鼓乞神恩。神罔聞知聲暗吞。我縱化鳩能喚雨。  
弱翰飛不到天閭。

連宵雲影織沈沈。總被南風散積陰。倘是涸龍無勺水。  
我傾血淚爾爲霖。

早到心苗勢欲焚。宰官應罰咎誰分。拚將身作西山石。

不吐閑雲吐雨雲

祈雪

殘臘歲如客土脈乾欲裂以我涇寸心求天盈尺雪天  
高九萬程求之焉可得同氣或相感素心與雪潔蒼蒼  
如不信剖心甘自白

林少穆先生以兩湖制府奉使粵海查辦鴉煙懷  
念成詩

三湘方駐節又度嶺千尋誓掃蠻烟盡應防海瘴深並  
生宣

主德莫壽戢夷心冒雪善珍詩敬天望作霖

奉寄裕魯山中丞謝二首

公昔陳吳臬微員備駿奔寒衣蘇凍骨

委散綿衣

冤獄雪貞

魂超以丹徒王貞婦事入告公立爲昭雪

每怨狂夫直難酬國士恩平生

知己感珠淚落清尊

回首金閨別箴言當佩瑜勉從分手後各保本心愚訟

爾我同有愚誠守之勿失建節聞新伐逢人說豎儒何緣重御李雙

鳥化飛鳧

除夕前一日得雪

三冬不見雪花霏盼斷同雲意願違多謝朝鴉噪寒樹

夢中喚起玉龍飛



送何菊垞農部入都

翩翩何遜風流客，慣把花枝醉明月。只恨孟公金籬空，  
翻笑劉伶酒腸窄。仙曹重到天憐才，顧我來登樂武臺。  
憑欄一望小燕國，戶聽絃誦心顏開。春陰三月流鶯多，  
渾沱水暖桃花波。詩成席上自高歌，歌聲干雲歡如何。  
長歌忽停放，聲哭回首椿庭負。貽穀我亦終天抱憾人，  
雙淚潄潄滴紅燭。當塗尙書九十翁，謂君善哭唐衢同。  
黃左田大司徒贈有善哭唐衢感路人之句惟忠惟孝，只情至一腔熱血爲  
流通情親那堪又泣別。啼鳥聲碎恒山北，拭淚勸君泣  
且輟。勉圖令名慎儉德。

哭八弟延齡

嗟爾沈痾久彌留執手勤怕余傾兩淚說病減三分夢  
繞窗前月魂歸江上雲何由償踏蹬日課貌孤文

浹河工竣紀事

下車問民情邑西鵠面黑父老向我言浹河爲害烈塞  
來二百年境內八萬尺河槽半墾種那復辨故轍洪波  
一歲衝十豐補不得未信何敢勞鬱鬱中腸熱捐工尋  
舊章忽見古碑碣勸民勿憚勤誓掃天吳絕并毋臨渴  
修桑乘未雨徹春秋書大役時使在冬節誰知北地寒  
冬令凍深結凍解而農閒四時惟二月破塊促鴉鋤省

力駕牛輓

勸用犁耕起土較易

載土車與筐兩隄築如鐵隄築須

遠涯休令土反宅切身固覓趨望宇亦驚竭

邑西近河各村雖未

被害亦勸助挑

富者授貧餐老者爲壯饁傭僕盡驅遣商賈各

津貼春雨柔土膏枯草動活色三旬平地中漸漸成川

澤憚人豈不怨疲憊反歡悅恐乏歲脩資日久又淤塞

楊柳種滿隄伐條作金穴

諭民分段種植取枝條作歲脩費

金水支流

開金水河入城十二里歸汶河並浚

城濠四圍掘

城河凡鑿亦掘南北京三鄉挑開

合

邑無閒民西人力倍協胼胝爾自勞莫助我心惻羣謳

歸我功貪天詎非竊鄰壤同心人源委合疏決德星照

我前福曜在我側

趙州德陵卷制定元氏福文市明府建濟金水河之

福泉涌何長德水流不歇善哉徐孺東一言尾閭洩

時徐荆山上舍路在趙墓與力贊成徐孺東名貞明前朝尚寶無議與北方水利者故以況之

己亥夏旱六月六日得雨鄧樵香刺史以詩誌喜

高寄泉廣文繼珩和之即用元韻以答

炎夏苦久旱火雲原上燒萬穗炙盡熟中田爲大庖我

欲訴天閭天醉方醺醺空有當風淚吹作雨飄搖情迫

乞神告詞隱同龜焦或者三三月應在三三宵籤云前三三與

後三三應此果然浴象日宿壇聞驚濤雙河早涸竭起

視水滿槽回憶示雪期賓至歡相襲直待飲椒觴雪來

猶信潮去冬問雪得此時賓主歡相會之籤比日楊雪板方伯至相見甚歡知飲椒時可得雪矣果應

恒陽省愆咎自恐千天條皇天慈母慈乳我翻劬勞寶  
僚交誌喜詩思若芄苗心芽我枯槁分潤亦漸包古來  
霖雨才人望東山高施澤苟有本豈無雲龍遭

一家星垣太史

文耀

奉使楚南過樂賦贈

吾姓榜花少九宗今有君孤香吐高嶺散作紫霄雲北  
斗使星現南金良治分小山慚我出何以樹功勳

壽薌巖兄七十

我家門前望江峯云是老人南極宮後有五老相對揖  
人宅其間多壽翁前人德齒最高者九十六齡顏猶童  
兄之祖姑年百二我生尙得瞻儀容兄年長我十三歲

兄已成立我幼冲每執文字往就正或相唱答傳詩筒  
回首歡娛若昨日忽焉稱老扶鳩節兄才天馬行長空  
弱冠登壇文陣雄五十計偕始北上陟岡我在金臺逢  
兄視軒冕塵塏同歸卧池上哦青松人師經師獨尊貴  
弟子北面朝詞宗蘇瓌有子風矩繼兄子廷衡丁顗貽  
孫書廚充我割小邑當要衝一身繫匏兼飄蓬茫茫宦  
海濶無際安知波流之所終南望三台江雲中不受羈  
鷲真猶龍願言江水化春酒用介眉壽傾千鐘南山好  
種芝草碧北山好種琪花紅採作朝餐長不老期頤健  
步還趨風我亦歸來隨杖履天臺踏看金芙蓉

樂城卽事六首

北方俗尙鬼佞佛增崇祠只恐淫祀盛邪說還潛滋我  
令廢廟地改爲義學資先捐四學金延致四鄉師一唱

百人和進行無異詞下馬入村塾童子爾何知高聲裂

浮雲琅琅歌我詩

前歲書院既成又唱捐四義學於四鄉以勸村人多以廟地爲義學者

習俗患狙詐子衿有反側旣認旋復翻旣結乃云勒不

可嚇以刑未能化以德制馭忽有方心兵出奇特問詞

我書丹供詞爾書壘訟庭如棘闢揮毫對試策棋枰

閑閑一園路四塞南山縱可移此衆動不得

余創朱墨供之法

懲治訟師殆盡  
同人有效之者

林公昔譽我聽斷內心存少穆制軍撫蘇時臨案倍兢

惕恐負期許恩衝邑衆雜處蝸角爭紛紜取情語意曲

論義肝膽真三尺寓教化隨事明人倫兩年訟獄稀民

氣亦慚醅誰云泛駕馬控馭不可馴不見在泮鴉今爲

鸞鶴羣

歧路易亡羊荒山多伏蛇壤小邊鄙近穿墉虞鼠牙鼠

黠匿鄰界越境難拘拏我與四鄰約兩屬如一家狐穴

互掃蕩蠹役互稽查羅兔毋及雉釣鯉須用鰕迅雷猛

然發兩耳誰能遮同舟盡同心何地容奸邪

單車衝凍雪戴月下村落往察十家牌深夜可鳴柝窟



室漏燈光羣小聚六博緩步抽其梯小犬齊錯愕在籠  
鳥橫撞下網魚亂躍更令作前導獲犯解爾縛從此四  
境中地窖遍搜索博徒如草面盜賊可不作引去字他  
嘗者釋之

四鄉賄  
嘗盡絕

夏潦不為害幸疏浚河流我欲濬浚河先開道旁溝課

雨驗雲集占雪視霞浮伐楚始伐原示信乃定謀河畔

膏腴壤萬井一齊修間有礪碯地十種九不收勸民栽

穉樹勿稀亦勿稠十年養成材石田勝玉疇論窪地  
地種樹一

丈一株一畝可三十株十年伐樹每株約售青蚨三四  
千書院有荒地百八十畝依此經理膏火可充居民行

之可成  
富庶

獨感

閱世頻經小坎珂天公玉我故磋磨  
早教風順揚帆去那識人間平地波

庚子九月車中感事六首

海外用療瘴山茗與大黃內產許外販好生  
聖德洋島夷不懷恩毒煙流大荒厲禁堵來源失利翻  
鵬張樓船架巨礮海上紛披猖鯨波掀天來南風助其  
狂狂風能幾何窮兵終自戕帆檣縱巧便陸地不可杭  
禦礮豈無術大都柔勝剛我願募水勇訓練精且良潛  
行入敵營一舉焚餘艍

西夷兼呂宋先以鴉煙嘗彼國墮術中瓦解良足傷女

色閩黎選父骨灰塵揚束縛其手足百倍于秦皇有土

廿四郡慎守詎無方明鏡早照妖安能魚爛亡

紅毛菽呂宋介

廿四郡使民晝眠夜作女盡情選親死焚骨揚之

交趾彈丸地紅毛侵彼疆舳舻高峩峩鋒銳何可當誰

知國有人制勝能扼吭汎汎小龍舟首尾三丈長操桿

廿四人烈礮隨風颺一擊碎舟底羣夷爲鱗鱗從茲賊

膽落百年保平康信哉國無小發謀當自強

呂宋交趾專并見海

上紀畧

虎視不可玩狠心不易防羣蜂口有蜜因之螫毒藏宋

呂文德風名亦孔彰元人賂玉帶乃許置榷場園牆  
美富強從茲失襄陽奕棋爭一著當局慎以詳

羽三固鮮豔何如錦七襄巧極自鳴鐘還須土圭量  
遠物啟淫蕩閉關誠何妨

聖人羈縻之亦或可通商彼有命脈需令以金銀償中  
邦無滯厄象志成保障富國自有經由來嗤孔桑

暇日勤補牢終歲無亡羊寇去若怠玩臨敵空慌忙海  
口亦孔多賦入亦有常兵增苦餉增謀夫誰其臧在漢  
趙充國屯田以禦羌宋時弓箭社家家成戎行竊聞粵  
閩間義旅團一鄉象志築爲城固結在肝腸但願司牧

省苛政除虎狼

讀史

齊人間樂毅秦人間廉頗敵國所畏憚往往流言多無  
風亦造雨無水亦生波賴有龍盤鏡一照靖妖魔金喜  
岳爺死酌酒羣高歌道濟是長城壞之將若何

賈閬仙墓

在房山縣  
石樓村

我亦耽吟者何人肯鑄金孤墳留佛骨萬古此仙心老  
樹月痕瘦寒雲鳥夢深難逢是京兆塵世幾知音

庚子秋行役在途有懷高南渠太守

樹勳

李吉人

觀察德

長途飽歷險巖諸下璞骨經泣獻三幾見孫陽空冀北  
每逢鮑叔出終南今謂試房薦為漢中韓雲圖解冰腸都  
爲憂民熱鼎肉爭如說士甘最是盛名難得副遠謨未  
有此心慙